

女  
科  
輯  
要

婦科輯要卷下

NO. 14

婿王士雄孟英參

沈曉封先生

傳

錢塘後學徐政杰鵲輝補注

男之潘友珊校

產

杰按濟生產經曰胎前之脈貴實產後之脈貴虛胎前則順氣安胎產後則扶虛消瘀此其要也丹溪云產後脈洪數產前脈細小澁弱多死懷妊者脈主洪數已產而洪數不改者多主死

楊子建十產論

一日正產二日傷產未滿月而痛如

欲產非果產也。名爲試月。遽爾用力。是謂傷產。三日  
催產。正產之候。悉見而難產。用藥催之。是謂催產。四  
日凍產。冬產血凝不生。五日熱產。過熱血沸。令人昏  
暈。六日橫產。兒身半轉。遽爾用力。致先露手。令穩婆  
徐推兒手。使自攀耳。七日倒產。兒身全未得轉。卽爲  
用力。致先露足。令穩婆推足入腹。八日偏產。兒未正  
而用力所致。九日礙產。兒身已順。不能生下。或因臍  
帶絆肩。令穩婆撥之。十日坐產。急于高處繫一手巾。  
令母攀之。輕輕屈足坐身可產。十一日盤腸產。臨產  
母腸先出。然後兒生。產後若腸不收。用醋半盞新汲

水七分和勻。喫產母面每喫一縮三喫盡收孕婦止。  
腹痛未必產。連腰痛者將產。胞繫於腎故也。腹痛試  
捏產母手中指中節。或本節跳動方臨盆卽產。

雄按中指跳動。亦有不卽產者。更有腰腹不甚痛。  
但覺痠墜而卽產者。

兒未生時。頭本在上。欲生時轉身向下。故腹痛難忍。  
此時婦當正身寬帶仰臥。待兒頭到了產戶方可用  
力催下。若用力太早。或束肚倚著。兒不得轉身。卽有  
橫生逆生手足先出之患。

許叔微曰。有產累日不下。服藥不驗。此必坐草太早。

心懼而氣結不行也。經云：恐則氣下。恐則精怯。怯則上焦閉，閉則氣逆；逆則下焦脹，氣乃不行。得紫蘇飲一服，便產。方見子懸門。

雄按：難產自古有之。莊公寤生，見於左傳。故先生如達，不圻不副。詩人以爲異徵。但先生難而後生，易理之常也。晚嫁者尤可必焉。然亦有雖晚嫁而初產不難者，非晚嫁而初產雖易，繼產反難者，或頻產皆易，閒有一次甚難者，有一生所產皆易，一生所產皆難者。此或由稟賦之不齊，或由人事之所召，未可以一例論也。諺云：十個孩兒十樣生。至

哉言乎。若得兒身順下。縱稽時日。不必驚惶。安心  
靜俟可耳。會稽施園生茂才誕時。其母產十三日  
而始下。母子皆安。世俗不知此理。稍覺不易。先自  
慌張。近有凶惡穩婆。故爲恫嚇。妄施毒手。要取重  
價。嚮而出之。索謝去後。產母隨以告。殞者有之。奈  
貿貿者尚誇其手段之高。忍心害理。慘莫慘於此  
矣。設果胎不能下。自有因證調治諸法。卽胎死腹  
中。亦有可下之方。自古方書未聞有醫割之劑。加  
諸投生之嬰兒者。附識於此。冀世人之憬然悟。而  
勿爲凶人牟利之妖言所惑也。但有一種騾形者。

交骨如環不能開坼名鎖子骨能受孕而不能產如懷娠必以婉難死此乃異稟萬中不得其一如交骨可開者斷無不能婉者也方書五種不孕之所謂螺者卽騾字之譌也蓋驢馬交而生騾純牝無牡其交骨如環無端不交不孕稟乎純陰性極馴良而善走勝於驢馬然亦馬之屬也易曰坤爲馬行地無疆利牝馬之貞皆取象於此之謂也人賦此形而不能安其貞則厄於婉矣

催產神方 治胎漿已出胎不得下或延至兩三日者一服卽產屢用有神效

當歸四錢 人參一錢 牛膝二錢 川芎一錢  
龜板三錢 赭石三錢 研肉桂一錢 去皮  
益母二錢 水煎服

雄按此方極宜慎用。夏月尤忌。必審其確係虛寒者始可服之。通津玉靈湯最妙。余用猪肉一味煎清湯服亦甚效。

如神散 路上草鞋一雙。名千里馬。取鼻梁上繩洗淨燒灰。童便和酒調下三錢。神驗。武叔卿濟陰綱目云。於理固難通。於用實靈驗。按千里馬得人最下之氣。佐以童便之類。下酒性之行血。故用之。



良驗。此藥不寒不熱。最是穩劑。

雄按。催生藥不宜輕用。必胎近產門而不能卽下。始可用之。又須量其虛實。或補助其氣血。或展拓其機關。寒者溫行。熱者清降。逆者鎮墜。未可拘守成方而概施也。

婦人良方曰。加味芎歸湯入龜板。治交骨不開。醋油調滑石塗入產門。爲滑胎之聖藥。花蘆石散治血入胞衣。脹大不能下。或惡露上攻。草麻子治胎衣不下。佛手散治血虛危證。清魂散治血暈諸證。失笑散治惡露腹痛。不省人事。平胃散加槌。

硝爲腐死胎之藥

杰按佛手散亦下死胎胎死先宜服此不傷氣血服此不下次用平胃樸硝可也

凍產治驗 劉復真治府判女產死將殮取紅花濃煎扶女於甕上以綿帛蘸湯熨之隨以澆帛上以器盛之又煖又淋久而蘇醒遂產一男蓋遇嚴冬血凝不行得溫故便產也

逆產足先出用鹽塗兒足底橫產手先出塗兒手心杰按鹽螫手足痛便縮入俗乃謂之討鹽生也

胞衣不下

急以物牢扎臍帶墜住使不上升然後將臍帶剪斷使血不入胞萎縮易下若水繫先斷胞升淡心必死杰按保生錄覺胎衣不下產婦用自已頭髮塞口中打一惡心卽下切須放心不可驚恐不可聽穩婆妄用手取多致傷生又以草紙燒烟熏鼻卽下芒硝三錢童便冲服立效食遠良生

松郡一老穩婆包醫是證自帶白末藥一包買牛膝二兩同煎去渣冲童便半盃服立下白末藥是元明粉也

產後喜笑不休

一老嫗云產時被侍者扶落腰子使然用烏梅肉二個煎湯服立效嘉郡錢

惡露過多不止

伏龍肝二兩煎湯澄清拌入阿膠一兩服如不應加人參

惡露不來

輕則艾葉及奪命散重則無極丸寒凝者肉桂紅花等藥併花蕊石散

雄按產後苟無寒證的據一切辛熱之藥皆忌惡露不來腹無痛苦者勿亂投藥餌聽之可也如有

疼脹者祇宜丹參丹皮元胡滑石益母草山查澤  
蘭桃仁歸尾通草之類爲治慎毋妄施峻劑生化  
湯最勿擅用

九竅出血

彙補云九竅出血死證恆多惟產後瘀血妄行九竅  
出血有川逐瘀之藥而生者不可遽斷其必死此是  
閱歷後之言不可忽畧雖無方藥其法已具

黑氣鼻衄

郭稽中云產後口鼻黑氣起及鼻衄者不治蓋陽明  
爲經脈之海口鼻乃陽明所見之部黑氣鼻衄是營

衛散亂營氣先絕故不凝

詳立齋云急用一味參

禁飲加附子亦有得生者

眩暈昏冒

去血過多者宜重用阿膠水化畧加重便服

血去不多者宜奪命散沒藥去油二錢血竭一錢共

研末分兩服糖調酒下

二條宜與前惡露過多二條參看

錢姓婦產後發暈兩日不醒產時惡露甚少暈時

惡露已斷伊夫向鄰家討琥珀散一服約重二錢

許酒調灌下卽醒其藥之色與香俱似沒藥大約

卽是血竭沒藥之方

庚辰春呂姓婦分娩次日患血暈晷醒一刻又目  
閉頭傾一日數十發其惡露產時不少今亦不降  
脈大左關弦硬用酒化阿膠一兩衝童便服是夜  
暈雖少減而頭汗出少腹痛有形寒戰如瘧戰已  
發熱更甚投沒藥血竭奪命散二錢酒調服寒熱  
腹痛發暈頓除惟嫌通身汗出此是氣血已通而  
現虛象用黃耆五錢炒歸身二錢甘草一錢炒棗  
仁三錢炒小麥五錢大棗三個煎服汗止而安  
雄按惡露雖少而胸腹無苦者不可亂投破瘀之  
藥今秋周鶴庭室人新產眩暈自汗懶言目不能

開乃父何新之視脈虛弦浮大因拉余商治詢其  
惡露雖無而脘腹無患乃投以牡蠣石英龜板龜  
甲琥珀丹參甘草紅棗小麥之劑覆杯卽減數日  
霍然此由血虛有素既挽則營陰下聚陽越不潛  
設泥新產瘀衝之常例而不細參脈證則殺人之  
事矣

發狂譫語

惡露不來者是血瘀宜無極丸惡露仍通者是痰迷  
宜六神湯半夏麴一錢橘紅一錢膽星一錢石菖蒲  
一錢茯神一錢旋覆花一錢水煎連服



一成衣婦產後半月餘發狂打罵不識其夫鎖之磨上余付無極丸六錢分兩服酒下服畢卽愈越四五月復發又與六服後不復發

丁姓婦產後神昏譫語如狂惡露仍通亦不過多醫者議攻議補不一余尚陶前輩後至診畢曰待我用一平淡方喫下去看用杜刮楠紅石菖蒲等六味一劑神氣清四劑霍然此方想是屢驗故當此危證絕不矜持歸語舍弟麴虞答曰此名六神湯余未考其所自

甲戌孟春錢香樹先生如君產後微熱病悶時時

諸語惡露不斷余用理血藥不應改用六神湯四劑病去如失

不能語

武叔卿曰熱痰迷心使然。膽星一錢 梔紅一錢 半夏一錢五分 石菖蒲一錢 鬱金一錢 水煎入竹瀝一調羹生薑汁三小茶匙服。按神昏不語有虛有實當參旁證及脈。

聲啞 按屬腎虛。補腎之中宜兼溫通。

元生地四錢 茯苓二錢 山藥一錢五分 歸身

二錢 肉桂五分 遠志肉五分 冰煎服。

呃逆

虛脫惡候人參送黑錫丹十全一二

杰按姜用川芎（辛）。冊載黑鉛乃水之精。入北方壬癸。凡遇陰火衝逆。眞陽暴脫。氣喘痰鳴之急證。同桂附回陽等藥用之。立見奇功。卽經云重劑是也。

又按姜又載何惟丹先生呃逆治驗方云。傷寒呃逆。聲聞數家者。用刀豆子數粒。瓦上煨存性。爲末。白湯調下二錢。立止。又（本草綱目）云。病後呃逆。刀豆連殼燒服。姜云。此方宜入旋覆代赭湯。

沈按有脫閉二證。下血過多者是脫證。喉中氣促。命在須臾。方書雖有參蘇飲一方。恐不及待。惡露不快者是閉證。投奪命丹可定。如不應當作痰治。此皆急證。更有一種緩者。婁全善所云產後喘者多死。有產二月洗浴。卽氣喘坐不得臥者。五月惡風得煖稍緩。用丹皮桃仁桂枝茯苓乾薑枳實厚樸桑皮紫蘇五味瓜蒌煎服。卽臥其疾如失。作汚血感寒治也。按此亦是痰證。所以能持久。痰滯陽經。所以惡寒。方中著力在瓜蒌厚樸枳實桂枝。

茯苓乾薑五味數味。餘皆多餐。

發熱

沈按產後發熱。所因不同。當與證參看。感冒者鼻塞。亦不可過汗。經有勞血無汗之禁。只宜芎歸湯。停食者。噉腐飽悶。宜平劑消食。血虛發熱。無別證者。服大而扎宜歸芪。陰虛者。煩渴脈細。宜生地阿膠。更有一種表熱裏寒。下利清穀。煩渴惡熱。脈微細者。此少陰危證。宜四逆湯。

雄按暴感發熱。可以鼻翕驗之。苟胎前伏邪。晚後陡發者。何嘗有頭疼鼻塞之形證乎。雖脈亦有不

卽頤露者。惟舌苔頗有河。或厚白而膩。或黃膩黃燥。或有赤點。或微苔舌赤。或口苦。或口渴。或胸悶。或洩熱。此皆溫淫暑熱之邪內蘊。世人不察。再飲以糖酒生化湯之類。則輕者重。而重者危。不遇明眼人。亦但知其產亡。而不知其死於何病。誤於何藥也。我見實多。每爲太息。其後條之。年累年熱亦當如是。諸察無所遺。以天殃也。

乍寒乍熱

武叔卿曰。血閉於陽經。榮衛行之不通。則寒。血閉於陰經。榮衛行之不通。則熱。必於通而後寒熱自己。

御景曰病有漸漸惡寒者陽脈不足陰往乘之陰脈不足陽往乘之

沈按前條是痰血後條是陰陽相乘甚則俱有厥慄者治痰血宜奪命丹調補陰陽輕則歸耆建中重則桂附八味

### 頭汗

王海藏云頭汗出至頸而還額上偏多蓋額為六陽之會由虛熱蒸蒸而出也

沈按汗出不止屬氣血兩虛黃耆五錢白芍三錢歸身二錢東仁炒二錢甘草炒一錢小麥

三錢南棗肉三錢煎

服神效

與眩暈內呂氏婦一技參照

### 泄瀉

乙亥初夏傅木作婦產時去血過多隨寒戰汗出便瀉不止余用大劑眞武乾薑易生薑兩劑戰少定而汗瀉如故又服兩日寒戰復作余用補中湯無人參加附子兩劑病者云我肚裡大熱口渴喜飲然汗出下利寒戰仍不減正凝神思慮聞其母曰彼大孔如洞不能收閉諒無活理余改用黃耆五錢炒北五味四錢搗白芍二錢炒歸身一錢五分炒甘草一錢五分炒茯苓二錢山藥二錢大棗



三個一劑病減四劑而愈。

雖按觀此案則可見氣虛不能收攝者宜甘溫以補之。酸澀以收之。不可用辛熱走泄以助火而食氣也。

鄒氏婦產後便泄。余用參附溫補藥未效。新城吳敬一診云。虛寒而兼下陷。用補中益氣加熟地。茯苓杜附應手取效。以是知方論內言下虛不可升提。不盡然也。

陸姓婦產後三日發疹。細而成粒。不稀不密。用荆芥薄荷粘子等藥一劑。頭面俱透。越一日漸有回

意忽大便溏泄數次。覺神氣不寧。問其所苦。曰熱  
日渴。語言皆如抖出。脈虛細數有七至。我師金大  
文診之曰。此陽脫證也。屬少陰。用生附子三錢水  
洗炮乾薑八分炒甘草一錢炒白芍一錢  
五分水煎。衝入尿一調羹。青魚膽汁四小茶匙。因  
夜  
中無猪胆故以此  
代。即羊胆亦可。服畢。即睡覺。來熱渴俱除。續用  
黃耆建中湯加丹參蘇木二劑而安。

產後惡露不行。餘血滲入天腸。洞泄不禁。或下青  
黑物的奇散極驗。荆芥大者四五穗。於甕內懸火  
燒成灰。不得犯油火。入麝香少許研勻。沸湯一兩

呷調下此藥雖微能愈大病慎弗忽視

千金膠蠟湯治產後利黃蠟二碁子大阿膠二錢當歸二錢半黃連三錢黃芩一錢陳米半升煎湯煎藥服

便秘

金匱云亡津液胃燥故也

沈按當用當歸肉苁蓉生首烏麻仁杏仁不應用麻仁九四五十九

頭痛

沈按陰虛於下則陽易升上致頭痛者重便最妙

褚侍中云。童便降火甚速。降血甚神。故爲療厥逆  
頭疼之聖藥。若血虛受風。宜一奇散。卽芎歸湯也。  
詳按載一產婦頭痛。日用補中益氣已三年。稍勞則  
惡寒內熱。擬作陽虛治。加附子一錢於前湯中。數劑  
不發。

胃脘痛腹痛少腹痛

沈按有血瘀血虛停食感寒肝氣之異。手按痛減  
者血虛也。按之痛增者非停食。卽瘀血停食則右  
關脈獨實。且有噎哺氣。瘀血則所下惡露必少。得  
熱卽減者感寒也。至若厥陰肝脈抵小腹。挾胃又

爲藏血之臟。血去肝虛。其氣易動。一關氣微。隨氣  
旋腹大痛。治法。血虛宜歸耆建中。消食惟查肉桂  
最妙。兼和血也。消瘀宜奪命散。感寒者。輕則炮薑  
艾葉。重則桂附。茱萸。肝氣之痛。養血藥中加川棟  
橘核。苦以泄之。重則烏梅。花辛散酸收。苦泄並用。  
杰按。一婦產後腹痛。令其夫以手按之。小腹痛尤  
甚。下惡露而痛仍不減。知其非瘀。乃燥糞也。予藥  
一劑。大便潤下而愈。姜用川治驗。炮薑五分。丹  
皮二錢。歸身三錢。川芎一錢五分。山楂二錢。炒枳  
殼一錢五分。炒麻仁二錢。枳殼。桃仁泥二錢。生地

二錢炙甘草四分加研爛松子  
蕭賡六云下血過多肝經血少腹  
地莢肉爲君加白芍木瓜蒺藜一  
坐風入胞門致腹痛欲絕其脈浮  
風五錢服之立愈

腹中虛痛胸項結核

辭按一產婦腹中有物作痛投破  
節胸項各結小核懸於肉裏此肝  
血之臟而主筋血虛則筋急而攣  
以諸筋皆屬於節而胸項又肝之

仁五粒

痛其脈弦者以熟  
劑可止有難產久  
而弦續斷一兩防  
氣行血藥尤甚肢  
血虛也蓋肝爲藏  
見於肢節胸項者  
部分也用久珍道

遙歸脾加減治驗

小腹痛瘀血成膿

詳案載一產後小腹作痛。行氣破血。不應。脈洪數。此瘀血成膿也。用瓜子仁湯二劑。痛止。更以太乙膏下之。神效。脈洪數已。有膿。脈但數。微有膿。脈遲緊。但有血。卽愈。若腹脹大。轉側作水聲。或便出。宜用蠟礬丸。太乙膏。及托裏散。凡瘀血宜急治。緩則化爲膿。難治。若流注關節。則惡骨痛。失治多爲廢證。

維按古今醫案載一婦產後惱  
每發時小腹脹痛從下攻上隔  
入胃卽吐徧治不效葉香巖用  
酒炒當歸二錢自製鹿角霜菟  
生查肉三錢川芎八分水煎送  
而愈次用烏雞煎丸原方半料  
積之方如桃仁煎川大黃蟲  
俱用川烏巴霜局方聖散子三  
乾黍此皆峻厲之劑用而中病  
輕嘗鮮不敗事試閱葉案積聚

經左少腹結一塊  
開乳土皆痛飲食  
炒黑小茴一錢桂  
絲子各一錢五分  
阿魏九七分八劑  
永不復發又云消  
芒硝東垣五積丸  
稜煎丸俱用礪砂  
固有神效若妄試  
門竝無古方狠藥



如干金硝石丸人參硝黃並用。丹溪猶以爲猛烈。  
學者但將丹溪治積聚諸案和神丸生熟黍並用。尤勿輕試。每  
黍身爲癰之言。則飛補之說。其  
可感乎。

### 腰痛

失全產後惡露方行。忽然斷絕。腰  
痛如錐刺入骨。此由血滯經絡。不  
宜桃仁湯。五香連翹湯。  
中重痛下注。兩股  
即通之。必作癰疽。

沈按前方不穩。不若用桃仁紅  
花地龍肉桂淡黃  
消盡爲妥。

如神湯治瘀血腰痛延胡當歸肉桂等分水煎服。  
沈按腰痛不見前證者多屬肝腎虛宜當歸杜仲  
補骨脂之類。

遍身疼痛

薛云以手按之痛甚者血滯也按之痛緩者血虛也。  
浮腫

沈按產後浮腫先要分水病氣病水病皮薄色白  
而亮如裹水之狀氣病皮厚色不變經云腎者胃  
之關也關門不利聚水生病蓋產後腎氣必損胃  
底陽微不能蒸布津液通調水道此聚水之由也。

宜腎氣湯丸。是證皮薄色白。可證人身營衛之氣。通則平。滯則脹。頑痰瘀血。皆能阻滯氣道。作腫。是證皮厚色不變。以脈弦者爲痰脈結。或乳者爲血。分證分別論治。用藥更有一種血虛而致氣滯者。其腫不甚。色帶淡黃。宜歸身爲君。佐以白朮陳皮。茯苓之類。

### 咳嗽

一婦妊七八個月。痰嗽不止。有時嘔。厚痰數碗。投二陳旋覆。不應。用清肺滋陰。愈甚。遂不服藥。彌月而產。痰嗽如故。日夜不寐。三朝後。二陳加膽星竹

憑吐出厚。數碗嗽仍不止。更用二陳加旋覆當歸。少減。稍可喫飯。因嗽不減。痰漸變薄。加入生地四錢。食頓減。嗽轉甚。通身汗出。脈象微弦。用歸身三錢。茯苓二錢。炒甘草一錢。紫石英三錢。因汗欲用黃耆。因嗽又止。推敲半晌。仍用炒黃耆三錢。一服汗止而嗽亦大減。十劑而安。

口眼喎斜

丹溪云。必須大補氣血。然後治痰。當以左右手脈分氣血多少治之。切不可作中風治。用小續命湯治風之藥。謂小續命湯等治風之藥。不可用也。

腰背反張

薛云產後腰背反張肢體抽搐因亡血過多筋無所養使然大補氣血多保無虞若發表驅風百不全一武叔卿云寒主收引背項強直寒在太陽經也諸家皆主續命湯此古法也郭氏不問產後虛實邪之有無概用續命似覺一偏至薛氏專主亡血過多非十全大補不可是或一見乃夷堅志按以大豆紫湯獨活湯而愈亦主於風矣是續命固不爲妄也但本方有麻黃附子氣血兩虛人不可輕用而郭氏論又囑人速灌取汗而解偏不以麻黃爲忌何也二說俱不

可廢。臨診時詳之。

沈按仲景論腰背反張爲瘕。無汗者名剛瘕。主以葛根湯。有汗者名柔瘕。主以桂枝加葛根湯。桂枝湯乃治風主方。故有汗之瘕屬風。葛根湯中用麻黃。麻黃乃散寒主藥。故無汗之瘕屬寒。仲景治少陰傷寒未見吐利之裡證者。用麻黃附子細辛湯。麻黃附子甘草湯。微發汗。蓋寒邪乘少陰之虛而欲入。急以附子保坎中之陽。而以麻黃散外感之寒。眞神方也。小續命湯雖非仲景之製。方中用此二味。正見攻守相須之妙。而叔卿反云麻附二味。

氣血兩虛者不可輕用。假使除卻麻黃。何以散客寒。除卻附子。何以保真陽。特不可用於有汗之柔痙耳。有汗柔痙。更有兩種。一則因虛而受外來之風。一則血虛則筋急。並無外感之風。有風者。雖汗出必熱。惡風。主以華元化愈風散。祇血虛而無風者。必不惡風。純宜補血。

又按人身氣血之外。更有真陽真陰。藏在坎中。奉立命之根基。胎系於腎。腎司二陰。產育之時。下焦洞闢。坎中陰陽有不入損者乎。況背後夾脊四行俱太陽經脈。太陽之裡。即是少陰。脊裡一條。是督

脈亦隸少陰。此脈急縮與少陰大有關會。此用麻  
兼用附之深意也。使置此不講。徒執氣虛血虛以  
治產後百病。業醫亦覺太易矣。

小續命湯 治產後中風。身體緩急。或頑痺不仁。或  
口眼喎斜。牙關緊急。角弓反張。

防風一錢 麻黃 去節 黃芩 白芍 人參

川芎 防己 肉桂 各七 附子 炮

杏仁 各五 甘草 四分 加生薑水煎服

華陀愈風散 治產後中風。口噤。牙關緊閉。手足癱  
癱如角弓狀。亦治產後血暈不省人事。四肢強直。或



心眠倒築吐瀉欲死此藥清神氣通血脈其效如神

荊芥炒爲末每服三錢黑豆滓酒調服童便亦

可口噤掣開灌之或吹鼻中李瀕湖曰此方

諸書盛稱其妙姚僧坦集驗方以酒服名如聖

散藥下可立效陳氏方名舉卿古拜散蕭存敬

方用古老錢煎湯服名一捻金許叔微本事方

云此藥委有奇效神聖之功一產後睡久及醒

則昏昏如醉不省人事醫用此藥及交加散云

服後當睡必以左手搖頭用之果然皆股產寶

方云此病多因怒氣傷肝或憂氣內鬱或坐草

受風而成宜服此藥  
魏氏證治要法名獨行散

賈似道悅生隨抄呼爲再生丹

指迷方加  
當歸等分

沈云丁丑三月練臍金虎旬第四媳產後變證伊  
郎來請先述病狀云上年十月生產甚健至十二  
月初旬面上浮腫驅風不應加麻黃三帖通身脹  
腫小便不利更用五皮雜治反加臍凸更用肉桂  
五苓小便畧通脹亦稍減續用桂附八味其腫漸  
消惟右手足不減忽一日口眼歪斜左手足不舉  
舌不能言因作血虛治變爲俯不得仰數日後吐  
黑血盈盂吐後俯仰自如旬餘復不能仰又吐黑

血而定。投以消瘀。忽然口閉目開。如脫狀。伊母一夜煎人參三錢。灌之得醒。醒來索飯喫一小盃。近  
日又厥。灌人參不醒。已三晝夜矣。余遂往診。右手  
無脈。因腫極。不以爲怪。左脈浮取亦無。重按則如  
循刀。乃余曰。此是實證。停參可醫。遂用膽星半夏  
石菖蒲橘皮。夫蟲地龍紫草水煎。入竹瀝薑汁。一  
劑。知四劑。手足能舉。不換方。十二劑。能出外房診  
脈。諸病悉退。惟舌音未清。仍用前方而愈。余問奇  
病之源。余曰。人身臟腑接壤。受胎後腹中遂增孕  
物。臟腑之機。括爲之不盡。五液聚爲痰飲。故胎前

癰痰滯居半。千金半夏茯苓湯所以神也。至臨產時痰涎與惡血齊出。方得無病。若止血下而痰飲不下。諸病叢生。故產後理血不應。六神湯爲要藥。此證初起。不過痰飲阻滯氣道作肺。血本無病。用五苓腎氣腫減者。痰滯氣道得熱斬開故也。久投不已。血分過熱。致吐血兩次。至若半身不遂。口眼歪斜。舌絡不靈。俱是痰滯經絡見證。卽厥亦是痰迷所致。並非虛脫。故消痰通絡。病自漸愈。何奇之有。

相按此等專識。皆從閱歷而來。朱生甫令郎仲和。

之室。婉後患此。醫治不能除根。再產亦然。延已數年。繼復懷妊。病發益頻。余用大劑滌痰藥。服月餘。產後安然。病根竟妙。

震澤一婦產後十餘日。延我師金大文診視。余從。據述新產時證似虛脫。服溫補藥數劑。近日變一。證。左邊冷。右邊熱。一身四肢盡然。前後中分。冷。則如冰。熱則如炭。鼻亦如之。舌色左白右黑。師問。曰。此是何病。用何方治。余曰。書未曾載。目未曾睹。不知應用何方。師曰。奇證當於無方之書求之。經。不云乎。左右者。陰陽之道路也。陰陽者。水火之氣。

兆也。敗血阻住陰陽升降道路，不能旋轉。陽盛處自熱，陰盛處自寒。所以偏熱偏寒。用澤蘭、查肉、劉季奴、蘇木、桃仁、琥珀等藥兩劑，病勢減半。繼服不應，遂更醫雜治，以至不起。由今思之，此證不但血阻，必兼痰滯。我師見及阻住陰陽升降道路，病源已經識出，特跳不出產後消瘀圈子耳。倘通瘀不應，卽兼化痰。或者如前案金婦得起，未可知也。此時彭尚初學，我師見識過人，特未悟徹痰滯一證，惜哉。

薛案郭茂恂嫂金華君產七日不食，始言頭痛，頭痛

已又心痛作。既而目睛痛如割如刺。更作更止。相去無瞬息間。每頭痛。欲取大石壓良久。漸定。心痛作。則以十指抓臂。血流滿掌。痛定。目復痛。復以兩手自剜。目如是十日不已。眾醫無計。進黑龍丹半粒。疾少間。中夜再服。乃瞑目。寢如平時。至清晨下一行。約三升許。如蝗蟲子。病減半。已刻又行如前。痛盡除。黑龍丹治產難。及胞衣不下。血迷。血暈。不省人事。一切危急惡候。垂死者。但灌藥得下。無不全活。

當歸 五靈脂

川芎 良薑

熟地

各二兩  
剉碎入

參 銅內細筋

百草霜 一兩

硫黃

乳香

各一琥珀 花柳白濁 藥料細末醋糊先如藥

子大每用一二丸炭火煨紅投入生薑自然汁  
中浸碎以鹽便合酒調服下

小便不通

產乳集用鹽填臍中令平葱白搗鋪一指厚安鹽上  
以艾炷餅上灸之覺熱氣入腹內即通最靈

沈按此法不效必是氣虛不能升舉黃耆補氣之  
中已寓上升之性用與為君五錢麥冬能清土源  
用以為臣一二錢五錢白通草通利達下川以為佐  
入分水煎一錢五分



尿血

大全云產婦尿血面黃腸腹少食此肝木乘脾土也  
用加味逍遙散補中湯煎服可愈

尿胞被傷小便淋瀝

丹溪云嘗見收生者不謹損破產婦尿脬致病淋漓  
遂成廢疾有一婦年壯難產得此因思肌肉破傷在  
外者皆可補完脾雖在裏諒亦可治遂診其脈虛甚  
予曰難產之由多是氣虛產後血氣尤虛試與峻補  
因以參耆爲君黃歸爲臣桃仁陳皮茯苓爲佐煎以  
猪羊脾煎湯極飢時飲之但劑小率用一兩至一月

而安蓋令氣血驟長其脾自完恐少緩亦難成功矣  
又產時尿胞被傷小便淋瀝用二蠶繭燒存性作末  
服一月可愈穆德仁治驗

玉門不開

附產戶內外生毒作瘻宜早服此藥散脫胎毒肝湯外用大蟹子  
磨敷

醉立齋云氣虛血弱十全大補湯主之

玉門腫脹焮痛

薛云是肝經虛熱加味逍遙散主之

坐草過早產戶傷壞紅腫潰爛痛不可忍用蒸包子

籠內荷葉煎湯洗日三次兩日可愈

穆德仁治驗

陰脫

陳無擇云產後陰脫如脫肛狀及陰下挺出逼迫腫痛舉動房勞卽發清水續續小便淋瀝硫黃烏賊骨各二兩五味子二錢半爲末糝之日三次

子宮下

丹溪云一產子後陰戶下一物如合鉢狀有二歧其夫來求治予思之此子宮也必氣血弱而下墜遂用并麻當歸黃耆幾帖與之半日後其夫復來云服二次後覺响一聲視之已收陰戶訖但因經宿訖著席上破一片如掌心大在麓某妻在家哭泣愁傷破不復能生子思此非腸胃乃脂膏也肌肉破尚可復完

者氣血充盛必能生子。此藥湯加入參與百帕  
三年後復有子。

治子宮下黃耆一錢半人參一錢當歸七分升麻三  
分甘草二分作一帖水煎食前服外用五倍子末泡  
湯洗又用末傅之如此數次宜多服藥永不下。

產戶下物

丹溪云一婦三十餘歲生女二日後產戶下一物如  
手帕下有帕尖約重一觔予思之此因胎前勞乏傷  
氣或肝痿所致卻喜血不甚虛耳其時歲暮天寒恐  
冷乾壞了急與炙黃耆二錢人參一錢白朮五分當

歸一錢半升麻五分三帖連服之即收上得汗通身  
方安但下翳沾席處乾者落一片約五六兩重蓋脂  
膜也食進得眠診其脈皆濡左畧弦視其形卻實與  
白朮白芍各半錢陳皮一錢生薑一片煎二三帖以  
養之

水道下肉線

一產後水道中下肉線一條長三四尺動之則痛欲  
絕先服失笑散數帖次以帶皮薑三觔研爛入清油  
二觔煎油乾爲度用絹兜起肉線屈曲於水道邊以  
藥鹽之鈴刺刺之去其毒血其太半二六日即愈

入再服矢笑散苒歸湯調理之。如肉線斷則不可治矣。

乳汁不通

涌泉散山甲炮研末酒服方寸匕。日二服外以油梳

梳乳卽通。

見經疏

陳自明婦人良方曰。予婦食素。產後七日乳汁不行。赤小豆一升煮粥食之。當夜卽行。一婦乳汁不行。煎當歸八錢服卽通。王不留行白通草穿山甲是  
要藥。

回乳

無子與乳乳不消令人發熱惡寒用大麥芽二兩炒  
爲末每服五錢白湯下丹溪

### 乳頭碎裂

丹溪老黃茄子燒灰傅之

綱目丁香末傅之

### 吹乳

繆仲淳云如乳內外吹乳乳巖乳癰不外陽明厥陰  
二經之病橘葉最妙又用生半夏一箇研末生蔥  
頭一段研裹左右互塞鼻神驗又於山中掘野芥  
菜去葉根洗淨搗爛無灰酒煎數滾飲一二次卽以  
渣退患處凡乳癰未成或腫或硬或脹痛者無不立

消腫治經驗野芥菜一名天芥菜又名鸚哥草似芥菜而畧矮小其根數出如蘭根用以治乳想其形似乳囊也故用有驗附錄

### 乳癰紅腫方發

活小鯽魚一尾剖去腸同生山藥寸許搗爛塗之少頃發痒即愈屢驗無山藥即芋奶亦可

### 乳癰已成

胡桃隔瓦上焙燥研末每服三錢紅糖調勻溫酒送下三服無不全愈

又方用玫瑰花五七朵乾者醇酒煎服燙酒極熱沖服亦可



卽以花銀摘散鋪貼患處三兩次可愈卽已成硬塊者亦可消散

曾經治驗數人陳藏安附識

### 乳巖

坎炆洗淨切薄焙燥研末日喫一條酒下約二十條效

穆德仁治驗半年以內者效

又狗糞東丹獨囊蒜三味搗勻攤布上勿用膏藥令粘貼止微痛數日可愈

**沈按**乳巖初起堅硬不作膿其成也肌肉疊起形似山巖病起抑鬱不治之證方書云桃花開時死出鮮血者死余見一婦患此已四年診時出鮮血

盈盍以爲必死。日服人參錢許。竟不死。明年春桃  
花大放。仍無恙。直至秋分節候。方斃。此婦抑鬱不  
得志。誠是肝病。然不死於春而死於秋。何哉。豈肝  
病有二。其太過者死於旺時。其不及者死於衰時  
耶。此證本屬肝病。繆以坎烈補腎而愈。亦理之不  
可解者。

外有方附後瘍科方選中。

雄按。吳鞠通曰。當歸芎藭。爲產後要藥。然惟血寒  
而滯者爲宜。若血虛而熱者。斷不可用。蓋當歸香  
竇。與氣。其於麻辛。急走善行。不能靜守。止能通血。

衰多益寡。如損血液。虧孤陽。上冒等證。而欲望其補血。不亦愚哉。芎藭有車輪紋。其性更急於當歸。蓋物性之偏長於通者。必不長於守也。世人不取用芎藥。而恣用歸芎。何其顛倒哉。余謂今人血虛而熱者。爲多產後血液大耗。孤陽易浮。吳氏此言。深中時弊。又論達生篇所用方藥。未可盡信。皆先得我心之同然者。詳見解產難。醫者宜究心焉。

雜病

熱入血室

仲景傷寒論云。婦人傷寒發熱。經水適來。晝日明了。

暮則譫語如見鬼狀者此爲熱入血室無犯胃氣及上二焦必自愈

又婦人中風發熱惡寒經水適來得之七八日熱除而脈遲身涼胸脇下滿如結胸狀譫語者此爲熱入血室也當刺期門隨其實而瀉之

又婦人中風七八日續得寒熱發作有時經水適斷者此爲熱入血室其血必結故使如瘧狀發作有時小柴胡湯主之

沈按論言勿犯胃氣及上二焦者謂不可攻下并不可吐汗也然有似是實非之證不可不辨

陳良甫曰。脈遲身涼而胸脇下滿如結胸狀。譫語者。當刺期門穴。下針病人五吸。停針良久。徐徐出針。凡針期門穴。必瀉勿補。肥人二寸。瘦人寸半。

許學士治一婦。病傷寒發寒熱。遇夜則如見鬼狀。經六七日。忽然昏塞。涎響如引鋸。牙關緊急。瞑目不知人。病勢危困。許視之曰。得病之初。曾值月經來否。其家云。經水方來。病作而經遂止。後一二日發寒熱。晝雖靜。夜則見鬼。昨日不省人事。許曰。此是熱入血室。證醫者不曉。以剛劑與之。故致此。當先化痰。後治其熱。乃急以呷散投之。兩時許。涎下得睡。卽省人事。次

投以小柴胡湯加生地二服不汗而熱遂除

又一熱入血室證醫用補血調氣藥治之數日遂成血結胸或勸用前藥許曰小柴胡已遲不可行矣刺期門則可請善針者治之如言而愈或問何爲而成結胸許曰邪氣乘虛入於血室血爲邪所迫上入肝經則譫語見鬼復入胸中則血結於胸中矣故觸之則痛非藥可及當用刺法

一婦熱多寒少譫語夜甚經水來三日病發而止本家亦知熱入血室醫用小柴胡數帖病增舌色黃燥上下齒俱是乾血余用生地丹皮麥冬等藥

不應藥入則乾嘔脈象弱而不大因思弱脈多火胃液乾燥所以作嘔遂用白虎湯加生地麥冬二劑熱退神清唯二十餘日不大便爲苦與麻仁丸三服得便而安

一室女發熱經來醫用表散藥增劇譫語夜甚投小柴胡不應夜起如狂或疑蓄血投涼血消瘀藥亦不應左關脈弦硬搏指詢知病從怒起因用膽草黃芩山梔丹皮羚羊角蘆薈甘草歸身等藥煎服一劑知四劑愈

一張儀表令愛發熱經來昏夜譫語如見鬼狀投小

柴胡增劇詢其病情云醒時下體惡寒卽憤時亦  
嘗牽被斂衣因悟此證平素必患帶下且完姻未  
久隱曲之事未免過當復值經來過多精血兩虧  
陰陽並竭其惡寒發熱由陰陽相乘所致非外感  
熱邪深入也悞投發散清熱證同亡陽傷寒論云  
亡陽則譫語內經云脫陽者見鬼是也因用腎氣  
丸早晚各二錢神氣卽清隨以茯苓易桂附數劑  
全愈

此卽前所云似是實非之證  
不可不辨者也堯封自記

咽哽

金匱婦人咽中如有炙肉半夏厚樸湯主之

千金



所云咽中粘粘如有炙肉吐之不出吞之不下是也  
半夏厚樸湯 半夏一升 厚樸三兩 茯苓四兩

生薑五兩

蘇葉二兩

水煎分四服  
日三夜一

厥燥

婦人臍燥悲傷欲哭象如神靈所作數欠伸甘麥大  
棗湯主之

甘草三兩

小麥一升

大棗十枚

水煎三分

服

陰寒

婦人陰寒溫陰中坐藥蛇床子散主之 蛇床之末

以白粉少許和合相得如棗大綿裹納之

### 陰吹

胃氣下泄陰吹而正喧此穀氣之實也猪膏髮煎導之

猪膏半觔

亂髮

如鷄子大  
三枚

和膏中煎之髮消藥

成分再服

雜按陰吹亦婦人恆有之事別無所苦者亦不爲病况屬隱微之候故醫亦不知耳俗傳產後未彌月而啖葱者必患此惟吹之太喧而大便難燥乃稱爲病然仲聖但潤其陽明之燥則府氣自通仍

不必治其吹也

陰癰

善邑西門外三里有婦陰中極癢難忍因寡居無人轉述醫者莫知病情治皆不效至蘇就葉天士診微露其意葉用蛇床子煎湯洗內服龜鹿二仙膠四日而愈

陰蝕有用猪肝煮熟削如梃鑽孔數十納陰中良久取出必有蟲在肝孔內另易一梃納之蟲盡自愈亦良法也

雄按尚有陰挺一證用飛蟻六枚仁膏五味

子

雄黃

各五錢

銅綠

四錢

末之煉蜜丸。每重四錢。

卽以方內雄黃爲衣。坐入玉門。重者二次必愈。

王宇泰女科證治準繩序云。婦人有專治方。舊矣。史

稱扁鵲過邯鄲。聞貴婦人。卽爲帶下醫。語兼長也。然

帶下直婦人一病耳。調經雜證。懷子。免身。患苦百出。

療治萬方。一帶下寧。遽盡之乎。世所傳張長沙雜病

方論三卷。婦人居一焉。其方用之奇驗。奈弗廣何。孫

眞人著千金方。特以婦人爲首。蓋易基乾坤。詩首關

雝之義。其說曰。特須教子女學習此三卷婦人方。令

其精曉。卽於倉卒之秋。何憂畏也。而精於醫者。未之

深許也。唐大中初，白敏中守成都，其家有囚免乳死者，訪問名醫，得咎殷備集驗方三百七十八首以獻，是爲產寶。宋時濮陽李師聖得產論二十一篇，有說無方。醫學教授郭稽中，以方附焉，而陳無擇於三因方評其得失詳矣。婺醫杜叅又附益之，是爲產育寶慶集。臨川陳自明良甫，以爲諸書綱領散漫而無統，節目簡畧而未備，醫者局於簡易，不能深求，偏寬有纔進一方不效，輒束手者，有無方可據，揣摩臆度者，乃采摭諸家之善，附以家傳驗方，編葺成篇，凡八門，門數十餘體，總三百六十餘論，論後列方，綱領節目

燦然可觀。是爲大全良方。良方出而閭閻之調將大  
備矣。然其論多采巢氏病源。什九歸諸風冷。藥偏獨  
熱。未有條分縷晰其宜否者。近代薛己新甫始取良  
方增注。其論酌寒熱之中。大抵依於養脾胃補氣血。  
不以去病爲事。可謂救時之良醫也已。第陳氏所葺。  
多上古專科禁方。具有源流本末。不可沒也。而薛氏  
一切以己意芟除變亂。使古方自此湮沒。余重惜之。  
故於是編附存陳氏之舊。而刪其偏駁者。然亦存十  
之六七而已。至薛氏之說。則盡收之。取其以養正爲  
主。且簡而易誦。雖女子學習無難也。若易水潑水師

弟則後長沙而精於醫者。一方一論。具援是也。通他  
書所無。有挾是而過邯鄲。庶無道少之患哉。其積德  
求子。與夫安產藏衣吉凶方位。皆非醫家事故。削不  
載云。此篇全係王守志女科證法詳經房臣云。學女科者。讀書之門徑。

雄按若帶下。直婦人一病耳。未必人人病此。何以  
扁鵲聞貴婦人。卽爲帶下醫。緣帶下本女子生而  
卽有之事。原非病也。後人以帶脈不主約束一言。  
遂以女人之遺濁。稱爲帶下之證。然則扁鵲之爲  
帶下醫。猶今之幼科自稱痘醫也。痘雖幼科之一  
證。而亦人人必有之事。且世俗無不貴小兒者。所

以人多樂為痘醫耳。

集方

論中所列各方有彼此互見者集錄於此以便簡閱其專治者不復錄

補養

門類及分列炮製牛參

六味丸

錢仲陽

治肝腎不足真陰虧損精血枯竭

地黃

砂仁酒拌九晒八兩

山茱肉

酒潤四兩

山藥

四兩

茯苓

乳丹

皮澤瀉

各三兩

蜜丸

空心鹽湯下冬酒下

六味地黃湯

治同上

前方煎服

八味丸

崔氏

前方加肉桂附子各一兩名桂附八味丸治相火



不足。尺脈弱者宜之。

亦治婦人轉胞。

前方加黃柏知母各二兩。名知柏八味丸。治陰虛火盛。尺脈旺者宜之。

腎氣丸 金匱

桂附八味丸加車前牛膝。劑用地黃四兩。山藥

以下皆一兩。茯苓三兩。附子五錢。製

杰按金匱要畧用桂枝無車前牛膝。治婦人轉胞。

此名加味腎氣丸。係治水腫。

青娥不老丸

集解祇名青娥丸。未知是一是二。

治腎虛腰痛

破故紙

十兩酒蒸爲末

胡桃肉

十二兩去皮研爛

杜仲

一兩去

絲 生薑 炒蒜 各四兩 蜜調爲丸

又丹溪青娥丸止用故紙 四兩 仲 四兩 生薑 二兩

胡桃肉 三十個 蜜丸桐子大每服四五十九鹽酒下

黑錫丹 治陰陽不升降上盛下虛頭目眩運

黑鉛 二兩 硫黃 二兩 將鉛鎔化漸入硫黃候結成片傾

地上出火毒研至無聲爲度

參苓白朮散 治脾胃虛弱飲食不消或吐或瀉

人參 白朮 炒土 茯苓 甘草 炙 山藥 炒 扁

豆 炒 薏仁 炒 蓮子肉 去心 陳皮 砂仁 桔

梗爲末每三錢棗湯或米飲調服

八珍湯 治心肺虛損氣血兩虛

心主血肺主氣  
君補氣四物補血

人參 白朮土炒 茯苓 甘草

當歸酒洗 生地

芍藥 芎藭

十全大補湯

八珍再加黃耆以助陽固表加肉桂以發水補元

金匱曰虛者十補勿瀉之是也

補中益氣湯

東垣治一切清陽下陷中氣不足之證

黃耆蜜炙

人參 甘草炙

白朮土炒 陳皮

皮白

當歸五錢

升麻

柴胡

分

熟地三片 棗二枚

枚煎

歸脾湯

生濟

治心脾受傷不能攝血致血妄行及婦

人帶下

人參

白朮土炒

茯神

棗仁

炒

龍眼肉

二錢

黃耆

一錢半炙

當歸

酒洗

遠志

一錢

木香

甘草

五錢

薑棗煎

四物湯

治一切血虛及婦人經病

當歸

酒洗

生地黃

芍藥

各二錢炒

芎藭

一錢半

奇效四物湯

治失血內崩

當歸

酒洗

熟地黃

芍藥

炒

川芎

阿膠

艾

葉

黃芩

炒各一錢

芎歸湯

一作歸芎湯未知  
是一是二須考

治產後血虛頭痛胎動下

血服此即安子死腹中服此即下催生神效亦名當

歸湯若腹疼加桂若腹痛自汗頭眩少氣加羊肉

當歸

三五錢

川芎

二錢

若為末石佛手散又名一

奇散又名君臣散

又有神妙微  
手散未考

加味芎歸湯

川芎當歸各一兩口死過板一具酥

炙生過男女婦人頭髮一握燒

性治分塊  
不開或五七

日不下垂死者每用一  
兩水煎服良久自下

當歸芍藥散

金匱

治懷妊腹中疝痛

當歸

三兩

芍藥

一斤

茯苓

四兩

白朮

四兩

澤瀉

半斤

芎藭

三兩

右六味爲散取方寸七酒和日三服

膠艾湯

金匱

治婦人衝任虛損經水淋瀝及血虛下

痢并妊娠腹痛爲胞阻

當歸

三兩

芍藥

四兩

乾地黄

六兩

芎藭

二兩

艾

葉

三兩

阿膠

甘草

各二兩

右七味以水五升清酒三升合煮取三升去渣納

膠令消盡溫服一升日三

仲景黃連阿膠湯 治傷寒少陰病得之二三日以

上心煩不得臥

黃連

四兩

黃芩

二兩

芍藥

二兩

阿膠

三兩

雞子黃

二枚

生用

杰按陰氣爲陽熱所灼也用此以收攝其欲亡之微陰故沈謂子煩陰虛火甚者宜服此

祇寒

太建中湯

金匱

治心胸中大寒痛嘔不能飲食腹中

寒氣上衝皮起出見有頭足上下痛而不可近者

杰按心爲陽寒爲陰寒乘於心陰陽相激故痛寒乘於脾脾冷不消水穀心脾爲子母之藏爲邪所乘故痛而嘔復不能飲食也

蜀椒

二合

乾薑

四兩

人參

二兩

龍

去滓

入飴糖

一

升微煎溫服

杰按陽受氣於胸中陽虛則陰邪得以中之陰寒之氣逆而上冲橫格於中焦故見高起痛嘔不可觸近之症 蜀椒辛熱入肺散寒入脾暖胃入腎門補火乾薑辛熱通心助陽逐冷散逆人參甘溫大補脾肺之氣飴糖甘能補土緩可和中所以太祛下焦之陰而復上焦之陽也

小建中湯

仲景

治傷寒陽脈瀼陰脈弦腹中急痛

傷寒二三日心悸而煩

通治虛勞悸衄裏急腹痛

夢遺失精



杰按三陰下利而腹痛者裏寒也宜溫也四逆湯  
附子理中湯腸鳴泄瀉而痛者裏虛有寒也宜小  
建中溫中散寒悸者陽氣虛也煩者陰血虛也與  
此湯先建其裏倍芍藥者酸以斂陰陰收則陽歸  
附矣 喻嘉言曰虛勞病至於亡血失精精血枯  
槁難爲方矣急宜建其中藏使飲食進而陰血旺  
故但用稼穡作甘之味生其精血而酸辛鹹苦絕  
所不用舍是無良法也

桂枝

生薑

甘草

大棗

芍

藥

入飴糖

一升

微火解

服

此即

厚

薄耳其不名桂枝加芍藥而名建中以飴糖為君也今人用建中者不用飴糖失仲景遺意矣

黃耆建中湯

金匱

治虛勞諸不足

準繩曰血不足而

生血此仲景之妙法蓋稼穡作甘甘能補胃胃為氣血之海氣血所從生也即補血湯者五倍於當

義歸之

即前方加黃耆兩半

黃耆易當歸名當

歸建中

湯

治產後虛羸不足腹中痛引腰背小

理中湯

仲景

治傷寒太陰病自利不渴寒多而嘔腹

痛糞溏脈沉無力或厥冷拘急或結胸吐寒虢及感

寒霍亂

白朮

陳壁土炒二兩

人參

乾薑

炮

甘草

炙

每服

四錢本方等分蜜丸名理中丸

附子理中湯

治中寒腹痛身痛四肢拘急

即前方三兩加附子一枚

補中湯

治泄瀉瀉不已者加附子

理中湯加陳皮茯苓

改加青皮陳皮名治中湯

治太陰傷寒腹滿病悶兼食積者

四逆湯

仲景

治三陰傷寒身痛腹痛下利清穀惡寒

不汗四肢厥冷或反不惡寒面赤煩躁裏寒外熱或

乾嘔或咽痛脈沉微細欲絕

附子

一枚 主用

乾薑

兩

甘草

二兩 炙

冷服而赤者格

陽於上也加葱九莖以通陽腹痛者真陰不足也

加芍藥二兩以斂陰咽痛陰氣上結也加桔梗一

兩以利咽止痛脈不出加人參二兩以助陽補氣

血 嘔吐加生薑二兩以散逆氣

上皆通脈四逆湯加減之法

真武湯

仲景

治少陰傷寒腹痛小便不利四肢沉重

疼痛自下利者此為有水氣或咳或嘔或小便利及

太陽病發汗汗出不解仍發熱心悸頭眩筋惕肉瞤

振振欲擗地氣寒惡寒

此亦腎中陽虛見症

仍屬少陰之義

附子

一枚

白朮

二兩 炒

茯苓

三兩

芍藥

三兩 炒

生薑

三兩 水

寒相搏咳者加五味子細辛乾薑小便利去茯苓

下利去芍藥加乾薑嘔去附子加生薑一倍

附子湯仲景治少陰病身軀痛手足寒骨節痛脈沉

者及少陰病得之二三日口中和背惡寒者

前方去生薑加人參二兩

烏梅丸仲景治傷寒厥陰證寒厥吐蛇傷寒厥者

微而脈至七八日膚冷發熱無暫安時也蛇厥者蛇

上入腸則煩須臾復止得食則嘔而又煩蛇聞食臭

復出也此為藏寒當亦治胃府發咳咳而嘔嘔甚則

與此丸溫藏安蛇長蟲出亦主久利

烏梅三百 細辛 桂枝 人參 附子 黃

藥六

黃連

乾薑

川椒

當歸

附

苦酒

也

浸烏梅

一宿

去核

蒸熟

和藥

蜜丸

祛風

小續命湯

千金

治中風

不省人事

神氣潰亂

半身不

遂筋急拘攣

口眼喎斜

語言蹇澁

風溼腰痛

痰火併

多六經中風

及剛柔二瘕

亦治產後中風

論見

甘草

麻黃

杏仁

桂枝

白芍

甘草

炙

人參

川芎

黃芩

防己

每

一

防風

半

附子

半

取微汗

筋急語遲

脈弦者

倍人參

去芩芎

以避

風

濕

溫

服

避

風

中寒服後稍輕再加當歸 煩躁不大便去桂附

倍芍藥加竹瀝熱去附子入白附子亦可 如不

大便日久胸中不快加大黃枳殼如藏寒下利去

黃芩防已倍附子加朮 嘔逆加半夏 語言蹇

澁手足戰掉加菖蒲竹瀝身痛發摘加羌活 口

渴加麥冬花粉 煩渴多驚加犀角羚羊角汗多

去麻杏加白朮 舌燥去桂附加石膏 參丹溪心法

獨活湯 丹溪 治風虛癱瘓昏憤不覺或為寒熱

獨活 羌活 防風 細辛 桂心 白微

歸 川芎 半夏 人參 茯神 遠志 菖蒲

五錢 甘草 二錢 每服一兩加薑棗煎

愈風散 華陀 治產後中風口噤角弓反張亦治血暈

不省人事四肢強直 方見產後角弓類亦名如聖散

化痰

二陳湯 局方 治一切痰飲為病咳嗽脹滿嘔吐惡心

頭眩心悸

半夏 薑製二錢 陳皮 去白 茯苓 一錢 甘草 五分 加薑

煎 半夏陳皮貴其陳久則無燥散之患故名二陳

千金半夏茯苓湯 治妊娠惡阻煩悶吐逆惡食頭

眩體重惡寒汗出等症



半夏

生薑

各三  
十銖

乾地黄

茯苓

各十  
八銖

橘皮

旋覆花

細辛

人參

芍藥

芎藭

桔梗

甘草

各十  
二銖

車氏祇用八味去細辛川芎桔梗  
之升提芍藥之酸欬尤爲盡善

右十二味咬咀以水一斗煮取三升分三服若病

阻積月日不得治及服藥冷熱失候病變客熱煩

渴口生瘡者去橘皮細辛加前胡知母各十二銖

若變冷下利者去地黄入桂心十二銖若食少胃

中虛生熱大便閉塞小便赤少者宜加大黃十八

銖去地黄加黃芩六銖餘依方服一劑得下後消

息看氣力冷熱增損方更服一劑湯便急使茯苓

九令能食便强健也忌生冷醋滑油膩方論見惡阻門

千金茯苓圓

茯苓 人參 桂心 熬 乾薑 半夏 橘皮各

兩 白朮 葛根 甘草 枳實各二兩

右十味蜜丸梧子大飲服二十九漸加三十丸日

三肘後不用乾薑半根止用五物又云夏橘皮白朮

又方此在景岳全書名竹筴湯治孕婦嘔吐不止惡心少食服此

止嘔清痰

青竹筴 橘皮各十銖 茯苓 生薑各一兩 半夏

三十銖

右五味水六升煮取二升半分三服

千金橘皮湯 治妊娠嘔吐不下食

竹茹 橘皮 人參 白朮各十銖 生薑一兩 厚

樸十二銖製

右六味水七升煮取二升半分三服附金匱單用

橘皮湯又橘皮升三竹茹二升人參一兩甘草五兩生薑半

大棗三十枚名橘皮竹茹湯均治噦逆後人又因金

苓批把葉亦名橘皮竹茹湯治虛人嘔逆

六神湯 治產後痰迷神昏譫語懸露不斷者甚或

半身不遂口眼歪斜方論見前

後案也

杜司補壯 右補精 半夏 亦可 膽星 茯苓

神 旋覆花 各一錢 煎服

理氣

紫蘇飲 嚴氏 治胎氣不和 癆上心胸腹滿痛悶名爲

子懸 胎至四五月 若相二火 養胎熱氣逆上之故

紫蘇 兩 腹皮 人參 川芎 橘皮 白芍

當歸 三 甘草 分

剉分三分水一盞生薑四片葱白煎去渣服一方

無川芎名七寶散 汪訥菴醫方集解載此藕葉

止一錢 當歸七分 甘草二分 餘皆五分

天仙藤散

陳景初製

本名香

附散治子氣腫脹

天仙藤

即青木香洗畧焙

香附炒

陳皮

甘草

烏

藥

木香

等分

剉末

每服五錢加生薑三片紫蘇

五葉水煎口三服腫

消止藥

汪本無木香有木

瓜三

木香散

王師復

治妊娠四五月後每胸腹間氣刺滿痛

或腸鳴嘔逆減食

此由忿怒憂思飲食失節所致

義北

木香

丁香

甘草

鹽湯下

抑氣散

丹溪

治婦人經將行而痛氣之滯也

四物加胡索

丹皮

條芩

又抑氣散嚴氏治婦人氣盛於血變生諸證頭暈腦

香附

四兩

陳皮

壹兩

茯苓

甘草

炙

爲末每服

二錢

抑青丸

大瀉肝火治左脇作痛婦人怒氣傷肝胎

氣上逆致嘔逆水飲不能入黃連一味吳茱萸湯浸一

宿爲丸

札赭旋覆湯

景仲

治傷寒發汗若吐若下解後心下

痞鞭噫氣不除

邪難解胃弱不和虛氣上逆故也

又周揚俊曰余每借以治反胃噎食氣逆不降者

神効活人云有代赭旋  
湯胃寒者先服理中湯後服此湯為良

旋覆花即金沸草三兩  
代赭石壹兩  
人參二兩  
甘草三兩

半夏升牛  
生薑兩五  
大棗十二枚

旋覆花湯金匱要畧

旋覆花 葱 新絳

逍遙散局方  
治血虛肝燥  
骨蒸潮熱口乾便澀月經

不調

柴胡 當歸酒洗  
白芍酒炒  
白朮土炒  
茯苓鹽炙

甘草炙五分  
加煨薑薄切煎本方加丹皮梔子名

加味逍遙散

小柴胡湯

仲景

治傷寒

風少陽證往來寒熱胸脇

痞滿默默不欲食心煩喜

嘔或腹中痛或脇下痛或

渴或咳或利或悸小便不

利口苦耳聾脈弦或汗後

餘熱不解及春時嗽發

寒熱婦人傷寒熱入血室

小柴胡在經主氣在臟  
主血故更能入血室

柴胡八兩

半夏半升

人參

甘草

黃芩

生薑三兩

大棗十二枚

理血

小崩飲子

治男婦下焦

熱結尿血淋漓

痛者為血  
淋者為血

為溺血論見  
妊娠經來類



小蘗 蒲黃炒 藕節 滑石 木通 生地

梔子炒 淡竹葉 常歸 甘草各五分

導赤散錢氏 治小腸有火 便赤淋痛論見帶下類

生地黃 木通 甘草 淡竹葉 等分煎

血極膏羅謙甫 治婦人汚血凝滯胞門致成經閉見

類經

大黃一味爲末醋熬成膏服之利一二行經血自

下

豐胞湯千金 治二三十年不產育胞中必有積血見

求子

樸硝 丹皮 當歸 大黃 桃仁生用各三錢 厚

樸 桔梗 人參 赤芍 茯苓 桂心 甘草

牛膝 橘皮各二錢 附子六錢 蟲蟲 水蛭各十枚

右十七味咬咀以清酒五升水五升合煮取三升分四服日三夜一每服相去三時覆被取微汗天寒汗不出著火籠之必下膿血務須斟酌下盡二三服即止如大悶不堪可食酢飯冷漿一口即止然恐去惡不盡忍之尤妙

奪命散 治產後惡露不行眩暈昏冒論見產後眩暈門及惡露

不來

秘藥

去油二錢

血竭

壹錢

共研末分兩服糖調酒下

奪命丹

良方

治瘀血入胞脹滿難下急服此即消胞

衣自下

杰按似與前論惡閉致喘證未對姑列此以俟再考

附子

炮半兩

乾漆

研之炒烟盡

牡丹皮

各一兩

右爲細末另用大黃末一兩以好醋一升同熬成

膏和前藥丸桐子大溫酒吞五七丸一方有當歸

詩兩

花蕊石散

治血入胞衣服大不能下或惡露上攻

或寒凝惡露不行

花蕊石

四兩

梳黃

壹兩

研細泥封煨赤服一錢童

便下

又葛可久花蕊石散

治畧同上

花蕊石

煨存性研如粉以童便一盞男人入酒

少許女人人醋少許煎溫食後調服三錢甚者五

錢能使瘀血化爲黃水後用獨參湯補之

非寒凝者不宜

此

無極丸

治惡露不行發狂譫語血瘀之重者

失笑散

局方

治惡露不行心包絡痛或死血腹痛不

失笑散

卷

不省人事

蒲黃 五靈脂者淨等分炒為末煎膏醋調服或用

二三錢酒煎熱服

如神湯 治瘀血腰痛下注兩股如錐刺

延胡 當歸 肉桂 等分水煎服

二味參蘇飲

人參 蘇木

清魂散 原氏 治產後惡露已盡忽昏暈不知人產後

血弱又感風邪也

澤蘭葉 人參各二錢半 荆芥一兩 川芎五錢 甘草

二錢

右爲末用溫酒熱湯各半煮調灌一二錢龍下咽  
卽開眼更宜燒漆氣淬醋炭于牀前使聞其氣  
伏龍肝散 治大小產血去過多不止

伏龍肝

黑龍丹

亦名琥珀  
黑龍丹

治產難及胞衣不下血迷血暈不

省人事一切危急惡候垂死者但灌藥得下無不全  
活亦治產後疑難雜證衆見奇  
證中

當歸

五靈脂

淨者

川芎

良薑

熟地

各二兩  
錢八

砂鍋內紙筋鹽  
泥固濟火煨過

百草霜

硫黃

乳香

各二錢

琥珀 花蕊石

各一錢

爲細末醋糊丸如彈子大每

用一二丸炭火煨紅投入生薑自然汁中浸碎以  
童便合酒調灌下

托裏散 治一切惡瘡發背疔疽便毒始發脈弦洪

實數腫甚欲作膿者亦治產後瘀血將成膿

論見

金銀花

當歸二兩

大黃

樸硝

花粉

連翹

牡蠣

皂角刺

錢三

黃芩

赤芍

錢一

每錢五牛酒半

水煎

蠟礞丸

治一切瘡瘍惡毒先服此丸護膜托裏使

毒不攻心或爲毒蟲蛇火所傷並宜服之

黃蠟二兩

白礬一兩

先將蠟溶化候少冷入礬和

勻爲丸酒下每服十丸二十九漸加至百丸則有力瘡愈後服之亦佳

太乙膏

治癰子瘡神効

丹溪

臘子

一錢

輕粉

乳香

各二錢

麝香

三錢

沒

藥

四錢

黃丹

五兩

右用清油一觔先下黃丹熬

用柳枝攪又用葱兒葱七枝先下一枝熬焦再下

一枝葱盡爲度下火不住手攪觀冷熱得所入臘

子等藥攪勻磁器盛之用時旋攤

潤下



麻仁丸

仲景

治便難脾約

大黃

四兩

厚樸

枳實

即大承氣去芒硝也

麻仁

一兩

杏仁

二兩二錢去皮麩炒

芍藥

蜜丸梧子大每服三五

十九溫水下

丹溪書名脾約丸

丹溪麻仁丸

治同上兼治風秘

郁李仁

麻子仁

各六兩另研

大黃

二兩半以

山

藥

防風

枳殼

七錢半炒

檳榔

五錢

羌活

木香

錢半

蜜丸梧子大服七十九白湯下

平胃散

局方

治脾有停滯痰飲痞膈宿食不消滿悶

唐瀉

加橫硝善腐死胎論見產類

蒼朮五

浸

厚樸

薑製炒

陳皮

各三兩去白

甘草

三十兩炒

右爲末

每服五錢加薑三片棗一個煎入鹽一捻

沸湯點

服亦得

見丹溪書

安胎方

黃耆

炙

杜仲

薑汁炒

茯苓

各一錢

黃芩

五分

白朮

生

阿膠珠

一錢

甘草

三分

續斷

八分

胸

中服滿

加紫蘇陳皮各八分

下紅加艾葉地榆

各二錢

并多加阿膠引用糯米百粒酒二杯煎服

腹痛用

心火煎

保胎神佑

此方屢驗一有孕卽合起每日服之

片易滑胎

省自無事且易產

白茯苓

一兩 於朮 一兩 米泔浸一 條芩 一兩 酒

香附

一兩 延胡 一兩 米泔 紅花 一兩 隔 益

母草

一兩 真沒藥 三錢 瓦上 右為末蜜丸

桐子大

每服七丸白滾水下若胎動一日可服三

五次切

不可多服一九至囑

杰按胎

前自是血熱動胎之故方中紅花行血延

胡走而

不守恐非保胎所宜况已有香附行氣氣

行血自

不滯何取動血之品宜去之為穩

雄按每

七丸故有奇效而無小損也毋庸裁減

又按神

術丸兼能調經種子大有殊功

蘇合香石

光

懷山藥

因兩錢炒

杜仲

去粗皮淨三兩鹽水炒斷絲

川續斷

兩

炒共

湯送下

欲墮者

服數次

銀芩酒

至慣半產之月即服之無不保全  
治妊娠胎動欲墮腹痛不可忍及胎漏下

血

芩根

紋銀

五兩

酒一碗

如無芩之處用茅

草根用 加水煎之

紫酒 治 妊娠腰痛如折

三熟料豆 二合炒 自酒一大碗煎至七分空心服

仙傳回急 保生丹 此方得之神效驗異常

大紅鳳 仙掌粒 自鳳仙子 九粒 自死龜板

一兩麻 通稍懷半 桃仁 一錢 川芎 錢五

自歸身 鳳仙子研末包好臨產時將餘藥和

明分兩 為末配入臨盆時米飲調服二錢遲則前

服二錢 交骨不開者即開難產者不過三服 臨

益一月 內木方去鳳仙子入益母膏二兩每日早

米飲調服二錢則臨盆迅速

胎元不足者勿服

產後瘀

血不淨變生病者或兒枕痛於本方內加炒紅麴

三錢酒炒馬料豆二合共為末用童便半杯陳酒

半盃調服二三錢即愈唯鳳仙子只於臨盆時用

仙傳迅津救命玉

治裂胞生及難產數日血

水已乾產戶枯澀者在垂危者

龍眼肉

去核

生牛膝精

一兩黃酒浸

將龍眼肉煎濃

汁冲入牛膝酒內服之得去血即產親救數人無

不奇驗

雞按龍眼甘溫能補血大益胎產力勝參耆宜

先期制取淨肉貯瓷碗內每肉一兩加入白沙糖一錢素體多人者併加西洋參片如糖之數羅以絲綿一層日日放飯鍋內蒸之蒸至百次者良謂之代參膏較生煎者功百倍矣晚時開水淪之其汁盡出如遇難產卽併牛膝酒共淪更覺簡便凡氣血不足別無痰滯便滑之病者不論男婦皆可蒸服殊勝他藥也